

Ad Illustr.<sup>um</sup> ac Reuer.<sup>um</sup> D. D.

L V D O V I C V M

CARD. LVDOVISIVM

S. R. E. CAMERARIVM.

P R A E F A T I O.



*Platoniorum nonnulli Mundi inferioris fluxam, caducamque naturam non rem ullam esse solidam, atque constantem, sed umbram, atque imaginem repercussu rerum immortalium effictam censuerunt. Primam enim rerum materiam speculum non bene expolitum esse putarunt, quod pro vario rerum caelestium obiectu non veras formas rerum corporatarum educeret, sed imagines redderet una similitudine veri coloratas, sine calore, & sanguine veritatis. Contra Physicorum aliqui ita naturam eorum, quae sensu percipimus agnouerunt, ut res abstractas à sensibus inter nuda mentis nostrae simulacra, atque anilia tericulamenta posuerint. At ego Platoniciis hisce, physicisq. reiectis ita naturam astruo cum Aristotele, ut ne*

A 2 que

que in ea similitudinem rerum diuinarum expressam  
Platoni negauerim satis gnarus, cum supremus natura  
artifex hominem fingeret, in ipsius mente Speciem sua  
pulchritudinis insedisse, in qua defixus ad ipsius simili-  
tudinem artem, manumq. direxit in luto. Imò verò Pla-  
tonis Ideas poeticè etiam sequutus, vt ex veteri more an-  
tiquis fabularum inuolucris noua tua felicitatis verita-  
tem euoluerem, **LVDOVISIAE** familiae signum,  
sue potius mentem, atque ingenium tuum in speculi mo-  
dum effinxi, atque proposui, quod in eo maiestas supre-  
mæ potestatis, clementia pacatissimæ tranquillitatis, lar-  
gitas beneficentiæ singularis, quasi repercussu trium cœ-  
lestium non Decorum, sed Idearum expressa, mortalibus  
omnibus elucescat. Ad cuius imperium clementia allici-  
mur, cuius clementiam beneficijs experimur. Ego sanè  
Potestatem tuam, totius Orbis terræ procuratione, ac  
summi Imperij gubernatione districtam, leuioribus his  
otiosæ sapientiæ curis interpellare non fuisset ausus, nisi  
clementia fecisset aditum maiestati, imò verò neque cle-  
mentiam ipsam adissem, nisi humanitatis tuæ muneri-  
bus excitatus, ex quorum, vt ita dicam, in me repercussu,  
sicuti lumen gloriæ tuæ resplenduit diuturnius, sic mea  
hac gratiarum actio in his carminibus, quasi laudum  
tuarum breuissima Echo resiliit.

REPER-

REPERCVSSVS FVLMINIS

Sive

FVLGVRATOR ORBIS

Ode I.

De Potestate Illustrissimi Principis

LVDOVICI CARDINALIS

L V D O V I S I I.



INGE crispato rutilans ab igne  
Dædalis fulmen radijs , trifulco  
Aureę fulgur geniale Romę  
Finge sub auro .  
Finge: subiecto LVDOVICVS ostro  
Aeris in morem geminante lucem  
Flexiles flammæ legit , & gemello  
Fulmine ludic .

A 3 . Arcis

6  
Arcis ò custos bona Vaticanæ  
Flamma, gemmantem vigilanstiam  
Imperantis GREGORII, Quirinæ  
Fabra dici.

Non sub Aetnæo tibi dirus antro  
Muciber sæuas sociavit iras,  
Sed suos virtus opifex ab astris  
Iungit amores.

Orbis tædam superis rubentem  
Horruit tellus, eadem benigne  
Orbe sub LVDOVISIO reflexum  
Fulmen amavit.

Nempe placasti LVDOVICE Cæli  
Noxios ignes: posuit furores  
Quando vibratum tua temperavit  
Purpura fulmen.

Iuppiter flammam quoties minacem  
Sanguine extinxit ferus immerenti,  
Et facem factam radijs, cruento  
Pectore meruit.

Terna gentili melius sub ostro  
Tela tu mergis, patriæq; miti  
Purpuræ succo, iaculanda cordi  
Spicula mollis.

Pro-

Prome felici rubefacta riuo

Fulgura : En vitro patuere corda :

Flamma quos isthæc LVDOVICE tangit

Murice tingit.

Regia hoc vri velit igne laurus :

Fulminum laurus domitrix superba

Huic adorantes tremulo reclinat

Vertice frondes .

Gemmat ad faustas diadema Regum

Fulminis LVDOVISII fauillas :

Si facis ridet coma Romulæ

Sceptra renident.

Tuque pennati gregis Imperatrix

Flammei quondam iaculi satelles ,

Disce nunc LVDOVISII vocari

Armiger ales .

Cæsarum felix volucris , volucrum

Cæsar ò ales , superis rebelles

Aurea magniface LVDOVICI

Disijce turmas.

Sentiant flammæ speculo retortas


Sensit vt Phæbo cinefacta , pubis

Romulæ classis , Siculo rotante

Fulgura vitro .

A 4 Finge

8  
Finge formoso pretiosa crine  
Artifex lucis radiantis ignis,  
Mollia ò LVDOVISIO sub auro  
Fulgura finge.



R E-

# REPERCVSSVS TRIDENTIS

Siue

PACATOR VRBIS

Ode II.

De Tranquillitate morum Ill.<sup>mi</sup> Principis

## LVDOVICI CARDINALIS

LVDOVISII.



**P**urpuranti splendida carbaso  
Triceps marinæ tu quoq; cuspidis  
Imago, frænatis sonori  
Aequoris imperiosa monstis.

Pacale signum, quo freta temperat  
Tumultuantis marmoris arbiter,  
Nimbus catenatis & aulæ  
Aeoliæ populo silente.

I mu-

I muricati stemmatis in sinum ,  
 Pacator Urbis quod LVDOVISIVS  
 Rex cordium almus, corq; Regum  
 Ventilat Ausonias per arces .

Infanienti cœrula classico ,  
 Olim libido sustulit impotens  
 Vexilla deplorata Martis ,  
 Et sociæ fera signa mortis .

Fumastis enses sanguine barbaro,  
 Vndastis iræ sanguine ciuico:  
 Emi sed isto , parce Roma  
 Aurea pax potuit cruore .

Pax alta terris sydera fœderans ,  
 Sequestra luctus pax LVDOVISIA:  
 Proh quæ refulsit pacis obses  
 GREGORIÆ, LVDOVICVS, Iris?

Iris serena cyclade discolor ,  
 Iris parenti lumine concolor ,  
 Quam Dardano ridente Cœlo  
 Sol PATRVVS sine nube pinxit .

Timenda lymphis tela furentibus ,  
 Amata Nymphis signa nitentibus,  
 Princeps natantum quæ colorat,  
 Purpureo rutilate campo .

Quis



Quis mugientes pectore turbido  
 Laxet procellas? Vrbe tridentiger  
 Tranquillitatis mulcet aureę  
 Indociles LVDOVICVS æstus.

Dites auari gurgitis incolę  
 Huc ferte Ponti gemmea munera  
 Et sceptrā picturata vestri  
 Nereides decorate Regis.



RE-

<sup>12</sup>  
RĒPERCVSSVS RASTRI

Sive

LARGITOR BONORVM

Ode III.

De Beneficentia Illustrissimi Principis

LVDOVICI CARDINALIS

L V D O V I S I I.



UPERBA mole turrium comantium,  
Superba prole cœlitum nitentium,  
Potens trilinguis alma Diua cuspidis  
Comata fronde cui virente fertilem

Coronat Ida pampinosa verticem,  
Sonora cui sacratuſ æra Dindimus  
Procul remurmurante pulſat æthere,  
Latina teſta, nubibuſq; proximas  
Domoſ reuiſo fortium Quiritium

Hono-

Honoribus vocata LVDOVISIIS.

Sistite magnanimi iugales,  
Indomiti nemorum Tyranni,  
Solvite frēna gemmea frēna.  
Dominæ crines subdite Romæ,  
Fulgurantes.

Ego illa prodigis onusta mercibus,  
Poloque liberalis & solo Dea,  
Parens opima, germinumq; syderis.  
Parens corusca syderumq; germinis:  
Benignitatis ipsa LVDOVISIAE.  
Micantiōra sole fingo sæcula.

Ite rastra fæta donis,  
Ite rastra digna rege,  
Arare docta muricem  
Ite LVDOVISIVM per ostrum:  
Nata purpura feraci,  
Lux honorum pullulabit,  
Germinabit fax amorum.  
Diu, expetite syrmati en ades sacro,  
Amice Cælo, & invidende regibus  
Ades Latina LVDOVICE faustitas.  
Ocelle Romulæe, Flos & imperi.  
Tuas Erythra purpurata fluctibus

Opes

Opes colorat , aureoq; murmure ,  
 Corusca dona Gangis vnda destinat .  
 At ipsa cesso ? funde , funde diuite  
 Beatiora dona dextra , cuspide .  
 Ite rastra fœta gemmis ,  
 Ite rastra digna Diuis ,  
 Sulco nobiliore ,  
 Ite LVDOVISIVM per ostrum .  
 Nata purpura feraci ,  
 Lux honorum pullulabit ,  
 Germinabit fax amorum .  
 Quid immoror ? minacis ille fulminis ,  
 Vibrator altus & faber tonitrui  
 Tibi magistra Principum imperantium  
 Redonat axe LVDOVICE fulgura  
 Deusq; cœrulantis ille fuscinae  
 Potente terra verberata cuspide .  
 Equi iubata colla , cui tremens tulit ,  
 Decora signa pacis , & maris dedit .  
 Quid ipsa cesso ? Lude cuspis aurea .  
 Ite rastra fœta luce  
 Ite rastra digna sole  
 Aurea rastra prodiga rastra  
 Luminosa rubenti ,

Ite

Ite crispifulca campo.  
 Nata purpura feraci  
 Lux honorum pullulabit  
 Germinabit fax amorum  
 Aureiq; redibit,  
 Indulgentia sæcli.

Orbe sæcto fors auara,  
 Iam multiplices fecerat olim,  
 Dimidiato munere Reges.  
 Tibi LVDOVICE virtus  
 Opifex regni, conscia recti,  
 Indiuifum dedit imperium:  
 Tibi sic vni debita, mundum  
 Beant signa ter aurea,  
 Rastra opulentant,  
 Fuscina placat,  
 Fulmen amicat.



*Imprimatur si videbitur Reuerendiss. P. M. Sacri  
Palatij Apost.*

A. Episc. Carin. Vicefg.

*Imprimatur.*

Fr. Gregorius Donatus Rom. Mag. & Reuerendiss.  
P. F Hyacinthi Petronij Rom. S. P. A. M. Socius,  
Ord. Præd.

